

「國家社會科學基金重大項目」

何建明 主編

中國地方志
佛道教文獻匯纂

人物卷

(112)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（112）



國家圖書館出版社

中國地方志佛道教文獻匯纂·人物卷
重慶市

南川縣志

清·黃際飛等修 周厚光等纂
清光緒二年（一八七六）刻本

增修南川縣志

外紀門

佛自西漢明帝始入中夏逮典午時建寺甚盛後世惑因果之說者數舍宅以奉之程子所謂佛氏之學比之楊墨彌近理而害尤甚也儒者故外之第自六朝以後方外亦多英異士寺觀或名山勝水古蹟留遺或曲徑禪房高人游憩烏可竟外之而不脩紀歟他若事與物雖在邑以外與意計以外而苟有關於南邑者亦以類附旃

仙釋

何 標明方士有異術治東龍現橋三泉洞禱雨
標入洞騎龍出嫂見疾呼龍遽返洞壁遂合嫂
亦能術煉三雞卵打壁壁開泉流今洞孔猶存
丁道亨乾隆間人爲人純篤中年棄儒學道凡祈
禱必矢精誠沒後降神於邑之東鄉壩興隆場
等處藉叩休咎屢著靈異

僧寂參頗嫻釋典尤立志濟人橋梁道路經手擘
畫而成者不下十餘處當嘿野僧倅聖水寺時

經年不發一語參往謁忽謂之曰我來早爾來遲殆亦戒定慧中人歟

僧心法守皈戒喜布施邑中古刹多所培修於未坐脫之先囑其徒曰我於某日當往某地汝等其善守衣鉢勿墜宗風屆期沐浴披衲焚香誦佛端坐而逝

僧海映乾隆初住青山迴龍寺修持五十年嘉慶丙寅里有熊氏婦携女至寺焚香僧招女頂次年女仍招之三年女不果來僧驚問氏以年長

辭僧大呼曰惜哉汝女死矣氏謝故僧謂女項
上有縊紋三業斷二歸視女必縊死氏歸家如
言僧坐脫年八十九

僧了然海映徒尙清修培補陳家場萬天宮坐巴
邑蓮花堂方丈八十五歲涅槃日有人自隔頭
溪見僧持巾扇步履甚速驚詢之稱由迴龍赴
萬天宮及往叩未見少頃報自迴龍坐脫矣釋
氏謂出神飛昇於此僧髣髴見之

附錄

僧全惠住邑白雲山金竹寺沈靜寡言樂行善
事道光三十年前令魏崧創設義卷惠將二
百石租業捐助獎以深明佛理額

僧道元明季人因乏嗣變宅爲菴名白雲寺在
寺披剃並捐三十石租業永作城內廟祀田

僧照霞住邑興福寺喜布施南涪接壤地名閭
口河兩山夾溪土著架木板渡人水暴漲溺
斃者甚衆僧憐之集里隣議易虹橋費甚巨
適邑人金玉音過此慨然助錢一千一百六

十緝倡捐僧閭亦助錢八百緡於是好善之士紛然樂輸詳義舉

僧心朝年五歲祝髮於邑銅坎寺道光九年往巴縣華嚴寺受三壇法戒每日禮佛外惟捻珠誦經垂簾靜坐後遍游諸方叢林參悟禪旨常以藥石濟人同治七年坐天心堂方丈現年七十二歲

中國地方志佛道教文獻匯纂·人物卷
重慶市

南川縣志

柳琅聲等修 韋麟書等纂

民國二十年（一九三一）首都明明印刷局鉛印本

重修南川縣志卷十四

雜述

此次重修邑志審別事實自立門類不踵前規自方域至前事十三篇地理風俗物產人事祖宗所法吏民所守陳說雖多梗概略備其他小道異物佚聞眇論義各有取士訓之資以雜述盡之區爲四目一曰僧道二曰祥異三曰古物四曰叢談全書之末例載前志序文頁少不能成卷卽附其後

釋道占驗

僧寂參 頗嫻釋典尤立志濟人橋梁道路經手擘畫而成者不下十餘處當哩野僧往聖水寺時經年不發一語參往謁忽謂之曰我來早爾來遲殆亦戒定慧中人歟

僧心法 守皈戒喜布施邑中古剎多所培植於未坐脫之先囑其徒曰我於某日當往某地汝等善守衣鉢勿墜宗風屆期沐浴披衲焚香誦佛端坐而逝

僧海映 乾隆初住青山迴龍寺修持五十年嘉慶丙寅里有熊氏婦攜女至寺焚香僧招女項次年至又招之三年女不果來僧驚問氏以年長辭僧大呼曰惜哉爾女死矣氏詢故僧謂

女項有縊紋三業斷二歸視女必縊死氏歸家果如其言僧坐脫年八十九

僧了然 海映徒尙清修培補陳家場萬天宮坐巴邑蓮花堂方丈八十五歲涅槃日有人自

隔頭溪見僧持巾扇步履甚速稱由迴龍寺赴萬天宮及往叩未見少頃報在迴龍寺坐脫矣

釋氏謂出神飛昇於此僧髣髴見之

萬天宮內有桂二株至今常茂不華相傳當了然時花夢開市人曰往攀摘僧紫其蓋作陸兗之命名普濟普秀遂不復華竊恐桂之種類甚多或有不華者人遂附會神異

求可知也

僧心朝 年五歲祝髮於銅坎寺道光九年往巴縣華崖寺受三壇法戒每日禮佛外惟捻珠

誦經垂簾靜坐後遍游諸方叢林參悟禪旨常以藥石濟人同治七年坐天心堂方丈現年七

十二歲

右舊黃志

僧喬松 邑北鳴玉鄉安山寺清雍正朝創建開山和尙喬松荒度構造殿宇數重又廣置脚

庵富有產業晚節頗有了悟沒時其鄉負販數人自外河歸遇之於插秧坪問師何往曰朝峨

嵎反顧囑曰吾有蒲團女繡鞋及某物在去寺若干里某道旁洞中亟語我徒往取負販者歸

聞松適死驚告其徒往洞果得焉以高行老衲而藏女鞋公言不諱此必故作幻弄不可以常

誦測也

僧朝圓 涪陵人幼卽出家歷棲數寺左手自股以下斷自胎中人呼爲斷爪和尚前十餘年與僧煥然同自巴縣華崖來邑金佛山鳳凰寺里許別搆草廬爲誦經入定所日二次赴寺會食不待呼召適及飯熟食畢反廬無臥榻惟一木机誦經外卽冥坐其上常至一日有餘寂然不動否則繞行廬外不輕言徒侶叩以未來事言往往有驗

吳學詩 邑東官地壩人中歲離鄉學道於成都青羊宮年九十餘時一度還鄉省墓容貌如四五十歲人夜不臥牀置一凳堂中端坐未嘗合眼盛暑不爲蚊噉鄉人有欲學者答曰能伴我坐一夜可入門矣臨去諄勸鄉人爲善培福返成都後楊任才兆元兩茂才試秋闈往訪之年已百二十顏色如常坐方丈達官貴人聞名求見者多不可得

皮心田 光緒六年季夏大旱閬城請禱屢次無應乃延心田作法出身藏古銅鏡一口裹以七尺七寸七分之紅綾張於三丈三尺三分之竹竿口唸咒語立竿棹上穩如樹株撼之不動跪誦經典頃刻大雨如注歲賴以稔邑令牟思敬匾其門焉

記者素不信所禱之術以爲偶有應驗者皆貪天功耳民國十四年旱各鄉分頭祈雨雙河場已延某

某道士請糾一伙巫蠱邀村壩守坪道上楊鳳山爲前法堂守者各有術道士李道玄隨傳弟子向人大言禱者不足持片延我且從行善須知何誠敬雨可立致衆聞果再致錢役離延之方知道術記者自城歸聞人語請水在第三日私念此大可驗其能否真偽矣至日鄉人景從尤早

尤溪村半河老樹洞約七十里下午
反至石陽關雨已過有蒼蠅參然

劉海仙 清光緒十六年元合鄉迴龍場一帶蟲災鄉民設醮延海仙長壇供天之夕海仙捧
水碗挽訣忽風起滿堂萬燭盡滅左右秉火再燃見諸蟲膠枯燭上密比無隙次晨五十里內
蜎蜎者已無形消滅

金大煜 綦江人嘗在萬盛場演禽課法以竹簾二十八根書二十八宿名以一簾書甲子又
以多數紙捲各書一字令人各拈其一以占所欲問之事無不應驗其術傳自石蘊齋蘊齋得
自某其人先在石達開軍中卜石當敗逃出

中國地方志佛道教文獻匯纂·人物卷
重慶市

夔州府志

清·崔邑俊修 楊崇 焦懋熙纂
清乾隆十二年（一七四七）刻本

僊釋

李耳長生會賢過化僊釋之傳由來已久宗其教
者有利濟感通之說闢其道者有虛無寂滅之議
不經之事雖不可憑而紀異之書代所恒有則夫
存其姓字著其事實非以示法也惟在主持世教
者因其明而使歸於正乘其異以漸反於常耳作
僊釋志

神女按集仙錄云雲華夫人王母第二十三女名
瑤姬受鍊神飛化之道常東海遊還過巫峽時大
禹埋水駐山下因與夫人相值拜而求助卽敕侍
女授禹策召神鬼之書因命其神往章虞餘黃魔
大翳與神童律等助禹斷石疏波以循其流禹拜
而謝焉因佐禹治水肖像廟中蓋治水有大功之
正神也

釋法言漢時雲陽人嘗請棲霞宮採藥得道能召